



# الماريونيت

ديوان بالعامية المصرية

أحمد المصري



كل الحقوق  
محفوظة

دار لوغاريتم للنشر والتوزيع

رقم الإيداع: 2018 /27050

I.S.B.N: 978-977-6642-59-1

تصميم الغلاف: عبير محمد.

الإخراج الفني: ضياء فريد.

المدير العام: إيناس ناصر.

المدير التنفيذي: شادي أبو شهبة

✉ [Logarithmpublish@gmail.com](mailto:Logarithmpublish@gmail.com)

☎ 01281052824

## الإهداء

إهداء لأبوي اللّي اتجلّد م الحر  
والعمر فكر جبهته هي الرّصيف  
من حلقه للرجلين رواه المر  
وما همّهوش لجل أنه يرجع بالرغيف  
ولأمي برضه عشان ما فارقتيش  
بس أما غابت قلت ملّتي  
لو مش ملل  
فازاي يا تربة بتسمعي الشكوى  
وامي اللّي منها ضلوعي صدّتي

إهداء لأمي ولأبوياء باقول لهم  
بما إني جاي من ضهركم  
فانا في الحياة زعلان أوي  
كان لازم الضحك العنيد يجمع شفايف حزنكم  
وقت أما خدتوا قرار دخولي إلى الرحم  
آدي النتيجة بقيت مشرد في الحياة  
ولو حدي عايش جوة عالم مُزدحم

لكل اصحابي والقهوة  
وشامبليون وللتحرير  
وشارع المعز

كتبت الشعر عن بلدى  
وعن ولدى اللى لسه ما جاش  
وعن أحلام وعن أوهام  
وعن حكايات ما بنعيشهاش  
وعن نفايات بواقى الحرب مع روحنا  
وعن أصحاب بتجرحنا  
وعن أيام بتسرقنا ف نكبر فجأة ونعجز  
وعن أفراح زارتنا ف وقت ما عمينا ف شوفنا طشاش  
كتبت الشعر عن ماضى وعن آتى  
لكنك وانتِ فى حياتى  
غلبني المعجم الملهم  
وتوهت ف كلمتين عنك  
لإنك فوق حروف الشعر والمعنى  
كفاية عنك والله  
معاجم تنتهى قصاها ولو زدنا كلام فى كلام  
لكن برضه حبيبتى الشعر من غيرك  
غلط حرام



## خمر المّمات

حالف ما أعدّي الليلة دي  
إلا وهاسطرّ بوحى من بطن السّكات  
نوحى اللي كان دايمًا بينهش فتِ العروق  
الليلة قرر ينتفض علسان أفوق  
وأطلق سراح إيدي اللي قيدها الشلل  
وأسرد لكم  
هذا الطريق اللي أترصف بحنين وشوق  
وأظللت جلساته بالأعباب  
وبدل ما يرويه المطر  
بقى يرتوي من دمّي لأصحاب المزاج

كان دمي يجري وهو رافض رِيَّه لِيه  
وعشان كذا كل الفروع صابها أعوجاج  
والطرح ينزل غصب خمر أستحلله السِّكِّير  
كل أما ياخده حنينه ليها يُجِلي تاني عشان يدوق  
والممتنع بيُمر يلُغني بْهدوء  
واللي أتُحرق من جَمْر إيدِه يُمر يلُغني بضمير  
مظلوم وانا  
ذاك المُكَبَّلُ بالقيود  
بأرسم سعادة فذ وشهم  
ويُحْفروا لي كل يوم أخدود  
وانا لسه ابن أربع شهور  
زارني الرسول يكتب حكايتي مع الحياة  
إلى أن يحين الحق وأتُحط فذ ضريح  
شخصٌ صحيح  
من غير عِلَل  
هتروح برجلك للهنا

والصبر عَ المأساة  
مع إني كنت باعيش في ضلمة لكنّها  
كات دُنيا بالنسبة لي أوسع من هنا  
رغم أني شوفت في قلب أمي الخوف وهي بتنتظر وقت  
المخاض وما همّيش  
ولا حتى كان عندي اعتراض  
لو كات شقاوتي في بطنها  
هتكون سبب إجهاض  
كان كل همي أني أبقى مُستمع وأعيش  
كان وقت نزعني من الحشا  
أمر عَصيب  
باصرخ واقول ما تُشدُّونيش  
وسيوني أكمل رحلتي  
باخذش في جدران الرحم  
إزاي ما ترجمتوش صراخي باستغاثة  
عشان تكفوا الأيدي عني وترحلوا  
وما كاتش كافية عَضت امي على النواجذ مِ الألم

عارفين بان صراخي دا  
سَبِّ شروخ في الزور لا يمكن تلتحم  
طب كنتوا ليه بتزغردوا  
لو كنتوا هذا الوقت بتأنوا بصحيح  
أنا كنت هاصبر ع النصيب  
وأتبّع خُطاكم واسرد القصة بئحنيين  
وان صار نهاركم ليل غميق  
أنا كنت هبقى شُموس كثير  
مش شمس واحدة بتيجي كام ساعة وتغيب  
بس النصيب  
واهي أمي برضه لُوحدها اختارت تغيب  
وبدأت اكمل رحلتي لُوحدِي  
مليون طريق اتفتّحوا  
والعقل مش قادر يقولي أنهِي فيهم مستقيم  
واقف بابص على الطُرق خايف

طب أنهي فيهم أخره نار  
وكإني هارب زي موسى عليّ تار  
وما فيش هروب على سكة غير  
ولإني خايف يهدروا دمي البرئ  
فَحَمَلت بين أيدي الكفن وبلف بيه  
هل كات في عينهم رحمة ساعة ما ألتقينا على الطريق  
بالعكس قد سرقوا الكفن  
وأنا عمري داخل ع الكهولة بالمحن  
لابس كمان على جسمي طقم سرقوا مرة زمان  
من ليلة خاطية مع الزمن  
لما انتهك عرض الأمانى والأمل  
ولحد هذا الوقت بادفع في التمن  
وبقيت مُجَرَّد منه برضه كعادة الضعفاء  
حسيت بنفسى في وقتها بارجع جنين  
وبئسحبوني مرة تانية من حياتي إلى الممات  
في الوقت دا أنا كنت ميت مرتين

ودخلت ادور عن مكان اتاوى فيه  
مالقيتش غير حزن العنب  
ذاك الطريق اللي اترصف بحنين وشوق  
واتظلمت جلساته بالأعباب  
كان مُلتهب وانا جسمي تلج تحت غيم حجب النهار  
وئيلتهب وانا جسمي قابل لأنهار  
ومشيته غصبا دون إرادة لإن دا هو المصير  
والتلج فيّ قد أبتدى يُشقق  
والخمر نازل بالكاسات من فوق  
موتين يعدوا وُكنت باستحمل  
موتين يعدوا وُكنت بارجع حي  
خمر المّمات بعد أما سَيِّل من دَمِي  
شافني النهار دا فدُ ضِلّه سَلِّل شمسّه من بين الورق  
بصيت له بابكي وُدمعي تلج يُيجري ويُزيد الشقوق  
لو كان شنقني الليلة بفروع السُّكارى الملعونين

كنت أرتضيت  
أهوع الأقل هكون عرفت أني هاموت مشنوق  
ومشيت باوزع جسمي في الخطوات  
دلوقتي لا محصل برودة ولا محصل موتة المحروق  
التالته اهي ساير وباتفتت  
كان نفسي اموت التالته دي بهدوء



## كوم قماش

بكرة جاي

ولإينه كان صعب المنال فاستعجلوه  
لموه طُرق متمهّده من عقل حالم بالجديد  
رغم الجديد كان حلم لكن سلسلوه  
وفد ضهري جم ربطوا الحياة على شكل بكرة بالحديد  
وانا رجلي بتعدّي الطريق في أمبارح الأعمى  
شافني سور المدرسة عيط عليّ عشان زمان انا والعيال  
طلعنا فوقه ندهنا بكرة وكان سامعنا  
باصعب عليّ ونفسي أسرق ضحكتين من حمل شايه  
باستغرب الحزن وعمايه  
ضهري مخزن ضحك شامل كل أنواع الشفايف  
ولكنه متحرّم عليّ اني أبقى طايه

الحمل زاد والصبر في الرّمق الأخير  
والوقت ريشة لُوحدها قدام عواصف ذاريات  
إنسى اللي فات  
والحق يومين قبل تلك الريح ما تُأمر بالوقوف  
نفسك في ضحكة بس عارفك لسه فيك الخوف  
بقيت تتمشي وسط الناس لكن محسوب من الأموات  
أنا لسه عايش وسط عالم  
كل يوم يسبقني خطوة وُحدي انا بارجع وري  
وقت اما بتخوني الشفايف باجري واضحك في الدرّى  
خوف ليتهاوني كذب باني سارق ضحكهم من فوق  
كتافي  
دنيا كاملة شايلها غصبا  
كل أُرصفة المدينة ملاها غائط  
وانا غصب عني بامشي حافي  
نسلوا ضهري وُحملته وُعذبوني لحد ما ضهري أنحنى

واما جيت أشكي الوجع  
خَيِّطُوا رجلي فِ شفايفي وَكَبِّلُوا أَيْدِي لُورِي  
دول كانوا برضه مُصممين لي فِ بطني سماعة  
ييجوا يطعنوني اضحك لهم  
لما انتهيت من كُتر طعن العابثين كله أفترى  
ولا حد مرة سندنِي لما صرخت آه  
كان أولى بيِّ ما أسيبش نفسي كدُمِيَّة فِ أَيْدِين الحياة  
تنهش فِ أحشائي اللي هَشَّت مِ التعب  
ولا كنت أسيبني ضحية غرقان فِ القلوب  
ليه كنت عايش وسطكم باشبه حَمَار ساعة الغروب  
وَبْتَأخِذُوا مِنِّي نَهَار ودنيا  
وَكل شيء وتولُّوا عني مُدبرين لما أختفي  
كان أولى بيِّ ما اكونش مُخلص وسط ناس بتهدِّني  
مين حَسَنِي  
أو لَمَنِي وانا مَرَمِي أَشلاء عَ الرصيف

أو كان لي صيف  
وأنا باحتضن برد الخريف قام ضمّني  
دلوقتي انا بتزقني الأيام  
سايباني عايش كوم قماش منشور  
يادي الفجور  
إحساسي لما اتمنى شيء في الأصل مني  
كافي إنه يكون أساسا للنيران بيشدني  
ما بيختلفشي عن ما أشوفني كوم قماش  
واحلم بفتلة تلمّني

بنات الدنيا تشفع لي  
بإني رفضت أحن لهم  
وسيت عيون بتنده لي  
غرام الكون في نظرتهم  
ودوست قلوب بتمني  
ولما عيونك انتبهت  
في ثانية لقيتني روحك لهم  
وشوفتك دنيتي وأهلي  
وحب وحلم بامشي لهم  
ما كنتيش والله تستاهلي

رفعتك فوق وعيشتك  
أمني فد قلبي باحلمهم  
هيجي اليوم واحققهم  
فزدتي شقوق  
بتهدم كل شيء جاي لي  
ياريتني فهمت م الأول  
يان الكل كان صادق  
ووحلك بس مش منهم

## الْمُنْحَدِر

هَلْكَانَ وَرَمَمَ عَضْمَهُ بِالْحَلْمِ الْمَفِيشِ  
عَلْشَانَ يَعِيشِ  
وَيَمِدُّ أَطْرَافَ الْغَرِيقِ عَلَى نَاسٍ تَمُوتُ لَوْ قَالُوا عُومٌ  
لَمْ الْغِيُومِ مِنْ بَوْقِهِ لَمَّا الْبَرْدِ وَقَعَ جَتَّتَهُ  
مَطَّرَ فِسَادَ عَلَى أَرْضٍ صَالِحَةٍ فَهَزَّهَا  
طَلَعَتْ عِيدَانَ مَلُويَّةٍ تَشْبَهُ دَنِيَّتَهُ  
قَادَ النِّيرَانَ لَجَلِ الدَّفَى  
وَبَجْهَلُهُ تَاهَتْ سَكَّتُهُ  
كَانَتْ سُورِيَّةٌ فِذْ وَقْتِهَا مُسْتَحْلِفَالَهُ عَلَى الْبَيَانِ  
خَلَفَ الطَّرِيقَ وَكَتَبَ عَلَى وُدَانَ الْجَمِيعِ  
أَنَا لِيَكُوا مِنْ عِنْدِ الْبَرِيِّ مَنْ فَعَلَكُمْ

طالت ودانهم واللسان لفّ المُدُن  
والمعدودين الممنوعين سألوا الكُتُب  
كان فين

هل كان بيسمع خَبَط حَبَّات المَطَر جوة السحاب  
أم حَسَّ غيرَة من اللي كان قَبْضِ الأثر  
وفضل يحلّل في التراب  
شكّل حياة الآخَرين ورَسَم نَعِيمهم عَ الهَوا  
والناس بقت مَشْتَتَة واهو كل واحد صار بيعبدله في إله  
طب كان عقول الحق فين لما أنتشر  
وأما اتحبس جوة النفوس بُرْهان ضلال

الإحتمال  
هو الأَكيد اللي أتسرق من جوة دير عايشة العذاب  
ولحد هذا الحين بيتمجّد عظيم  
وان حَد سَبُّه في يوم بيستقبل خراب  
مش صح مش هو الأريب  
ولا عمره كان ليكم قريب  
ولا حَطَّ فِهم عشانه يتمجّد أديب

هذا المُقدَّس لم يزل بيخيب  
لما اتنفَى من بين سرايين المَحَبَّة  
وَحس إنه هيبقى متحوَّل غريب  
لَمَّ اللي فاضب جوة منه وَرَشُه فوق كل البلاد  
مَا كانتش فَوْضَى عشان يُشير فِي الكون ضباب  
هُوَ بس كان شاطر عجيب  
ولكنَّه خاب سَاعَةَ الحساب  
دكتور فِي رَسْم المُنحَدِر على كَفِّ مريم بالصليب  
دكتور ولكن مش طيب  
ولإِنه مَا فُهمش الجراح بِتُحب إِيه  
كان حَدَّ تَتَقَطَّعَ إِيديه  
مش بس بَطْنه ولا العروق  
من كام سنة لما اتقتل جوة السواد سَاعَةَ الشروق  
قتلوه وكانوا مُصدِّقين انه الحَقِيق  
من كام سنة قايده النيران فوق البيوت  
جوة البيوت  
فَارْشَةُ الطَرِيق  
وما فيش فِي مَرَّةٍ مطافي قامت للحريق

السابقين

سابوا المآذن للدلال على حد كان راعح هنا  
أني كملوا على نفس هذا النهج والتدبير  
خدناها ملهي وعند بابها الكل بيدندن غنا  
ومع الأدان ما بر كعوش , بيقوموا للتصوير

## مَعزوفة الأمل الأخير

### مُفتح

إِطْلِعْ سِلايِمَ فَوْقَ كِتَافِ النَّاسِ عُرَبَ  
وَارْفَعْ بِإَيْدِكَ نَاسَ بَعْزَفِكَ مُؤْمِنَةَ  
وَاعْدَمْ نِشَازَكَ بِالصَّمَمِ جِوَةَ التُّرْبِ  
صَدِّقْ مَنِيرَ لِسِهِ الْأَغَانِي مِمَكِنَةَ  
رَفْرِفْ بِإَيْدِ الْهَجْرَةِ لَوْ صَوْتِكَ هَرَبَ  
إِهْرَبْ وَرَاهُ فَالْعَزْفِ أَمْرَاضَ مِزْمِنَةَ

## النص

أنا بعد ما استكفيت وجع  
قررت أحزّم أمتعة نفسي اللي تعبت وسطكم  
وكإني رجّيت الودع  
قبل اما اسيب شوفت النهاية فـ قريكم  
وشاورلي ع الحضن البعيد  
وكتب لي فوق ظهر الطريق  
إتعب تنول حضن الأمان  
أهون ما تبقى فـ وسط أحضان المحن  
بدأ السفر  
ومشيت بدون أحضان وداع  
وانا فـ الطريق المُستبد لقيتني باتلّفت عليكم بالدموع  
أنا كنت ليكم أرض رحة تُساع خطاويكم بشوق  
ولعلمكم  
أنا عمري ما اقبل بالخضوع  
ورحيلي فرض هيتكتب على كل ساعد فـ الوطن

كان في هنا  
إنسان رَسَمَ الغُنا على وِدن ناس لم ينصتوا  
حاول يعيش ما عرفش مات واهو لسه حي  
واهو برضه كان ليهم ليالي مليئة ضَي  
فيحطوا هم صوابع الشمع اللي منه تُسد في ودانهم  
مايئسش برضه وقام مغني وهز أجسامهم غُناه  
معزوفته شربتها المسام كان هو دانهم  
وما كانش صاحبه في ضحكته إلا الألم والآه  
معزوفة الأمل الأخير  
ورد الربيع لو مسّه صيف كيف يتحرق  
لو كان نسيمه معدي فوق سقف الغلابة  
كان فرط حزنه في بعدهم وقت الغُنا  
هيئ له إن العود ربابة  
فينك يا عطر الوادي من ريحة الشجن  
فينك يا ففرحة تشيلي عن وش البشر تجاعيد كآبة  
وكانه بينادي في كهوف  
فيرد صوته بنفس ما استنجد

يمسح دموعه فـ وحدثه بحنين وخوف  
والغنوة بعد ما كات لُقا  
قَلْبِتِ فِراق  
لا انا عمري كنت لُكم نبي  
ولا شوفتكم زي الصحابة  
بس الغلابة الطيبين  
مالهمش نقطة ضعف غير هيّ الطيابة  
أصل الربابة ما بتصاحبش المبسوطين  
مع إنه كان أصلا حزين  
قام لَمْ نَفسه فـ كام وتر ضبُط الإيقاع  
واهو كل ما يُشِد فـ وتر  
بتمدِ رجله بـسرعة جدا عَ الحدود  
حِلْمه اليتيم فـ بلاد غريبة وُهو ليه تَبّاع  
رَحال وماهر فـ الصبَا عَ العود  
لَحْن الصبا مش من فراغ  
نهاوند زارعه فـ قلبهم  
ساعة حصاده لقاء جحود

ساعة ما جرجر هدمته يجي ميل وراه  
كان نفسه يلقي بياتي معزوف من سحابة  
كان عرّي صدره لكّام وطن علشان ينول الطبطة  
وأيديه بتلعب عَ الوتر معاناه  
رغم انه كان في الوقت دا بيعزف حجاز ممزوج بسيكا  
إيه بس كان في اللاجئيين  
علشان يلاقوا الناس بأوطانهم ديابة  
ليه رغم كونه بيعشق الأوتار  
يلقي الخيانة فدّ لحنهم ونشاز يكرّه روحه في المزيك  
ليه الزمن بيدوس عليه  
ويشيله فوق طاقتة ما يحني الضهور  
شايل شنت على ضهره بالعمر اللي فات  
بتكفي تفرش حزن في زحاب الدهور  
وان جيت له تسأل عن دموعه  
بابتسامة يرد دي م الذكريات  
ماعرّفش ليه بعد أما قرر هجرة بيلم الوجع جوة الشنت  
ماعرّفش ليه حظه فدّ بساتين الحياة يحصد رفات

يصرخ وما يُبَيِّنُش هَمَّ فتطلع الصرخة فد أنين مكتوم  
وتضمه أحضان السكات  
ماعرَفش ليه وانا باحكي عني  
خانتني ألفاظي بضمير الغائب المهموم  
وقصدت أوطان الحياة  
فلقيتها واقفة لي بَحيطان  
مالهاش بيان وقالت لي غيب  
طب حتى أعزف بالغيوم معزوفة الأمل الأخير  
فاستهزأوا ولُمُوا الخلائق كلها وسُدُّوا الودان  
فعزفت حزني وقمت كاتب ع الطريق  
كان نفسي يسمعني الوطن فعزفت للأوطان  
ورحيلي فرض هيتكتب  
على كل ساعد صدني وبالوشم لنهاية حياته يُثَبِّته  
كان في هنا إنسان  
رسم الغنا على وذن ناس  
لم ينصتوا

## البلياتشو

على مسرح أوهام العالم قَدّمت العَرَض  
وداريت الشيخوخة ف شكلى بُحَبّة ألوان  
وَنَسَجَت خيوط أحزان من قلبى ولفيتها بـ شاش  
لجل ما أَضَحَّكَ فى الجمهور بـ الفرض  
انا مش غَشَاش  
ف المِهْنَة بتحكّم اضَحَّكهم وانا جوايا حزين هَلْكان  
وَلُبِست البدلة المعتادة وهابدأ فصل التهريج  
فَلَقِيت الجمهور إِتَحَوَّل من ساكن باسم لـ ضجيج  
يا سِيادة البلياتشو المبسوط بـ الهَم أَفرحنا  
إحنا المجانين بنكركر والحزن ف ريحنا  
بالله إلحَقنا قوام بـ الضحك البهتان

طب قبل ما نبدأ  
هنمّر سريعاً ع الجمهور وهنسالهم  
واحد واحد ب الدور  
ونشوف اللي بيضحك فعلاً  
واللي الضحكة تجيبه ويبدأ من هنا على همّه يثور  
سامع دَبّان  
لَقّت كل الأنظار ع الباب  
جمهور بيزيد أعداد ب الكوم  
داخلين المسرح ب المجان  
ودخولهم من باب واحد ما يكفّيش  
كسّرنا الحيطّة و وسّعناهم منها بيان  
وانا واقف ع المسرح بابكى  
والضحكة بترسملى الخدّين  
والتسقيف على دمعة بتبتهت في ملامحي  
خلاني أشوف الناس ألوان  
قام واحد من آخر صف نده لي زى المجنون  
ارجوك اسمع لي وخلي الجمهور يتعاطف مرة مع الشبان

انا لسه ما كَمَلتَش عشرين  
وابيضَّ الشَّعر ولسه أوان الشيبة ماجاش  
انا جيت من رَحِم الدنيا يتيم  
ورضعت أسي وبؤس وحرمان  
وكبرت ولسه بَتَمَّ السنين  
فطَمِنتي الدنيا عن الحرمان  
وقضيت لي الباقي سنين أوهام  
ف الحقني قوام ب الضحك الله يخليك  
قبله ب صفين شاب صغير  
قام متعصب وف حالة هيجان  
انا حبيت  
بصيت له وبسأله بأستغراب حبيت!!?  
=أبوة انا حبيت  
ولا الحب ده شرعه حرام  
انا شوفتها زي العصفور اللي فقد عشه  
ف وقت المطرة ف كنت لها البيت  
واما أبِتدت الشمس تبان

والغيمة بتمشى لقيتها بتمشى بدون أى كلام  
انا كنت لها جُسور من نور وسُط غابات  
بعد ما عَدَّتْ هَدَمْتَنِي وبقايا النور بتقاوح  
ولا جاني الموت ولا قادر اعيش مكسور  
فد بقت بستكمل عمري وانا أصلا فتافيت  
فد بكيت وانا ع المسرح  
وانا ع المسرح ببيكى طبيعى  
أما الضحكة اتسحبت م الخدين  
وكان كلامه ده كان صدمة  
فد بنفس الحال انا مرّيت  
هاج الجمهور ورفض يبكى  
وهتفوا ب صوت هَزَّ الجدران  
جايين لك هنا لجل تُضحكنا ونسى ولو ساعة الأحزان  
طب يلا هنبداً  
ضُمّوا كمان لِمَوا الأطفال على جنب  
أول لعبة هتبقى معانا هنعرف فيها  
ازاي الفرخة بتعمل فتلة ف رمش الديب

وعشائها من المساكين تم استعبادها الأمر عجيب  
والحلم طيب مش للمساكين  
ف بترضى الذل وتبقى ف نار وتقول ده نصيب  
وتبيع في العرض عشان لُقمة  
وتعيشها مرار  
والديك بيعانى من الحُمى وعمال ينهار  
وف آخر مرة كَشَفَهَا ف غار  
قام غار وبكى هناك طبط على كتفه التعبان  
والأسد الحاكم بقى محكوم من نظرة عين وِزّة جميلة  
ف اتجوز عُرفى على مراته ولجل يدارى ف عَوْرَاتِهِ  
كان أجر لها بره عرين فى إيجار مفروش  
ويَقْضَى مع مراته الأسبوع والوزة يَقْضَى معاها يادوب  
ليلة  
ويرجع وش الفجر وَعَمِيَان من شُرب الخمر المغشوش  
وَأَنْفَضِح الأمر مع التكرار  
وَأْتَبَيْت تار عَند مراته  
ف هَمّت ب حمار

كل دى أحداث يومية  
وتلك هى المأساة الحقيقية ف أياك تتهَوّر  
وما كُنَّاش نَتَوَقَّع أبدا في مشاهد زى دى تَتَصَوَّر  
والصور المعروضة يا عالم مش تركيب  
هنشوفها بتتمثل قدامنا الآن  
موسيقار إبدأ  
قامت ست من الصّف الأول  
عُمرها قرّب ع الثمانين  
لَقَّت بَصَّت للشايب  
وبنبرة حزن قالت له انا حاضر غايب  
انا كان لى وليد سَمِيته وحيد  
ولأنه وحيد ف انا كنت الكل  
واتمرد أول ما الأرض ساعِت ماشِيه  
واتعرّف على بنت البيه راودت فيه  
فابتدى يبعد عنى ويهملنى لكن على مهل  
أما انت ياعم الحَبِيب  
لسه انت جديد ع الفرقة لسه حديث

انا قصة بُعدى عن الإنسان اللى اختارته  
لازمت ويا الناس كل حديث  
وانت بتبكى وكل حكايتك وياها ما تلاقيهاش شهرين  
انا عشت معاه م السنوات عشرين  
واختطفه الموت وانا ايدى متبته فيه  
وخلقلته روح صناعية وبعزم ما فى نفختها فيه  
رجعت بعد النفخة وماتت  
فازاى روح بتموت إلا ان كان المقصود جبروت  
خاين وانا عايشة ف ضله وخاين بعد الموت  
طبّت ع الكرسى مكانها وضج المسرح ب عياط  
والضحكة اللى حيليتها اتسجنت فى سجون القلب  
الفردية  
واتخانقت ويا الشفتين لجل ما تطلع  
لكن دمعها كان سيّاط  
ملعونة الضحكة دى لو جايا من قلب بيشبه سمّ خياط  
الترمو الصمت  
خلاص ماتت

والضحكة الباقية ف أيامكوا خلاص فاتت  
كلنا عايشين فى الأصل طشاش  
لو كان الضحك بينزف دم  
كان ممكن يتضمّم به شاش  
أو ياخذ رشة بيتادين وتعدّي عليه الأيام ويلىم  
كلنا أصلا بلياتشو  
وبنشبه أشكال بنى آدمين  
والمجبور أصلا فينا مجبور به الهم  
والمعنى الأصدق للضحكة  
كان جوة ف قلب المتوفاه  
عايشين مأساه  
جايين نضحك ساعتين ف بكينا  
وهنخرج من هنا على دوامة وهنكمل فيها المعاناه  
ماتت واخدة الضحكة معاها  
ف اوعدوا تقولوا على وجعنا الله  
كلنا أصلا بلياتشو  
بيسينا الهم ونجرى وراه

ويزورنا الضحك نموت فى لقاءه  
وندور فى القبر على الدنيا  
فاكرين فى القبر هنلقى حياه



## شارع الخيامية

من بين ضلوع الربيع بسحبي لُخيم  
ساكنة فدكاكين ضيقة وعلتها دائما في البكم  
مر الزمن ما اتغيرتش  
فرحت في وقت اللمة وفد وقت الفراق  
سكتت عينيها ما عيطتش  
وعينا بتلف البلد من مركزي  
ولساني مهما أن يشتكي فالناس هنا عابهم صمم  
كل الهمم  
يسترزقوا من خيمة أو من جوز نعال  
شاد رحال ما أعرفش إيه  
لاكني شاد في الرحال

جائز في روعي ذكرى ما شائلة الحنين سايقاني بيه  
شقيت ضلوعي وقولت أدور في عن أسباب حضوري  
وأنصرف

ما لقيتشر غير مشهد قديم من كام سنة  
والصورة باينة مشوشة

يوم لما هذا قال باحيك وأعترف  
فاضحكتِ وانتِ زي تنورة فدهوا  
والزمن واقف يشاهد من بعيد

يضحك علينا وكان في إخراج السيناريو بفرقة بينا  
مُحترف

وزعت روعي تشوف ملامحك في المكان  
أو تلمحك مع ست ماشية وشائلة جواها الزمن  
مالكيش أثر

حطيت إيديا ع الحيطان أتلمسك  
فألقيت بقايا لدمع من قلبي اللي قد صابُه الوهن  
جفت جميعها إلا دمعة منشعة

أول ما حسّت بيّ لَمّت نفسها  
وَنزلت تَصْرَخَ عَ الحيطان  
الدمعة دي  
كات هيّ إيدك لَمّا ضَمّمتني بُوعود  
كات هيّ قلبك لما حسّ النبض فيّ من إيدكِ  
والله من كُتر الوَجع بعد الفراق  
ما أعرفش مين أصبح في حالة مُن الجمود  
الدمعة دي هيّ الحنان  
في الوقت دا  
كان اللا واعي يُيفتكر شكل الحياة أيام زمان  
والواعي مش حاضر هنا  
شوفتك هناك في زمال ذهب بتمددي  
وبعمري كنت غيوم فوقك تُضللك  
مين ضللك  
عن هذي قلبي المستقيم  
أو كان رسول أنك على قلبي الوفي تتمردي  
فاكرة السواحل والسفر

لَمَّا كُنْتَ فِي خِيَمَةِ الْأَحْلَامِ تَمَلِّي تَطْرَظِي  
طَب رَكْزِي  
رَفِّي الرُّقْعَ  
وَبُخَيْطِ كَلَامِ قَلْبِي الْعَلِيلِ أَتَعَكِّزِي  
شَايِفَةَ الْبُقْعِ  
بَهْتَانَةَ فِيَّ إِزَايِ وَجَسْمِي الْعِلَّةِ فِيهِ مَسْتَحْوَذَاهُ  
طَب وَانْتِ يَعْنِي الْجَرْحِ دَا مِثْلُذَاهُ؟  
طَب رَاضِيَةٌ بِيهِ؟  
طَب قَوْلِي بَسِ الْحَلِّ إِيْهِ؟  
قَلْبِي اللَّيِّ أَصْبَحَ زِي أَشْجَارِ الْخَرِيفِ  
هَآيَعِيشَ لِإِيْهِ؟  
وَانْتِ الْحَيَاةِ  
الصَّبْرِ خَلَّصَ مَشِ بَاقِي لِي غَيْرِ تَقَاوِي  
فَاوَعِي فِيهِمْ بِالْعِنَادِ تَسْتَنْفِذِي  
شَايِفَةَ الْخِيَمِ  
كَانَ أَوْلَى أَجُوبَ وَيَاكَ بِيهِمْ عَ الْبَحُورِ  
أَوْ كُنْتَ أَعِيشَ مَفْتُونٌ بِ حُبِّكَ فِي السُّطُورِ

مش من نصيبي انّ أبقى واقف لك  
هنا فالمرح خيالك شدني  
يسرح خيالي فالقى دَمعي يهزني  
شايقة أليون ازاي بتلمس بعضها بشوق وابتسام  
شوفت الحبايب لما بيصوا لحياتهم من هنا  
يسألهم البياع تمن ما أتمتعوا  
فايطلعوا كل أبتسامة فد قلبهم  
إلا أنا وقت أما يسألني التمن  
فاخرج وعودك من جيوبي تبص لي  
ويقول حرام  
فالقى الكلام  
يخرس في يضممني تاني الشرود  
وانسى الوعود كات بينا إيه  
وعينيا قد طالها العمى  
لاكن مجاز  
من كتر دَمعي اللي أتحبس قطع في قلبي وبامتياز  
هو الزهايمر حل بي وكل من جنبي أجاهلني وأنكروني

طب مين هيفهم بس مالي ومين هيشفني جراح ضلوعي  
مش كنت أولى إني أعيش ببيك فد حياتي من دموعي  
مش تيجي ناس ماأعرفش مين جوة الزمن ويكفوني  
ويلحدوني فد همي دا ويوحدوني بينهم وأصبح زفات  
بالله تقول ازاي غريب هاشوفني يعرف إن في شخص  
مات

أصبحت فاقد كل شيء حتى الرزانة  
عدى فوقى الغيم فاعيط من سكات  
باصيت لقيتك بتناديني وفارده إيدك في السما  
وبتوصي قلبي يعيش بعيد مايجيش هنا  
قاصدك هنا شارع حزاني  
فأفهمت بعد أما أفكرت أنك أساسا ميته  
واني بغبائي إتهمتك بالخيانة

## برواز قديم

برواز قديم بيدوس ملامحنا  
والعمر ماسك فرشة التلوين  
زود جروحنا وقال ما لامحنا  
واختص بي لوحدي في العناوين  
أسوأ سجين في السلسلة يُظهر  
والبسة طالعة مقطعة الشرايين  
كان صاحبي واقف يومها متبسم  
ففهمت ليه انا في 100 سكين  
والفرح مش بيدوم لطلابيه  
والبسة غير البسة ع الشفاتين  
واللقطة جوة اطارها مش كاملة

وَعُنِيَ لِسَهُ فَذُ وَسَعَهَا بِتَلِينِ  
إِزَايِ يَا عَيْنِي بَتَعَكْسِي الْمَشْهَدِ  
وَالصُّورَةَ وَاضْحَةَ وَكُلَّهُمْ شَايْفِينِ  
فِي دَيْبٍ وَرَايَا بَيْنْتَشَلِ لِحْمِي  
وَفِي كَلْبٍ وَاقِفٍ يَعْوِي بِالْبَلَالِينِ  
تَعْبَانِ لِسَعْنِي إِزَايِ وَأَنَا مَحْمِي  
خِلَانِي أَعِيشْ تَايَه كَمَا الضَّالِّينِ  
وَفِي وَقْتِ مَا ادْعَى الرَّبَّ يَنْجِدُنِي  
بِيرِدُوا هَمَّ وَرَايَا بَرِضَه آمِينِ  
فِي حَاجَةِ لِسَهُ غَرِيبَةٍ فِي الْقِصَّةِ  
مَا قَدَرْتَشْ أَعْلَى بِنَفْكَرِي لِلْفَاهِمِينِ  
وَاقِفِ مَا بَيْنَ الْفَهْمِ وَالتَّرْحَالِ  
الْبُعْدِ بَرِزْخِ وَالْغَبَا زَنَازِينِ  
وَلَا حَتَّى قَادِرِ أَكُونُ شَرِيدِ رَحَّالِ  
طَبِّ لَوْ قَدَرْتِ هَاشِدِ أَزْرِي بُمِينِ  
كَانَ لِي كِتْفٌ فَذُ ضَعْفِي ضَلَّ وَمَالِ  
فَوَقَعْتَ بَارِجِعِ مِنْ جَدِيدِ لِلطَّيْنِ

وداسوني بعد ما كنت فيهم عال  
وبيضحكولي فـ كل وقت وحين  
أيام حبال بتلف تشنقنا  
فازاي باموت ويعيشوا ناس تانيين  
فكرت احلي الدنيا بالأحلام  
فمسكت إيد المستحيل تمكين  
وضحكت لما الدنيا ضحكت لي  
من بين شفايف وردة في البساتين  
مدت إيدين الأمنيات ليها  
فرجعت أبتـ واعمي في الرجلين  
كان ليه حبيبي ضحكتي م الأول  
وسرقت مني في الغزل دواوين  
معقولة يعني ظهورك انتِ عشان  
انا ما استعدتـش ليلة م الشياطين  
يا دنيا واسعة وعندي انا بتضيق  
للناس طريق وانا ليّ ليه طريقين  
ممدودة عيني لآخر السكة

والجسم مات م الحشر في الجحيم  
لا انا قادر اوصل دنيتي بسعيي  
ولا قادر ارجع مرة ثانية جنين  
والناس خناجرع البيان بالسم  
وانا فوق جيني شخص في التلين  
الناس لآدم

بس هو براء من فعلهم

والذنب دا سكاكين

بني آدم الجمع الصحيح للاسم

وخسارة فيكم تبقوا ليه شايلين

فانا آسف اني هاكسر القاعدة

وهاقولكم كنتم بني آدمين

## طَرَف رَابِع

أنا صُمتُ عَشْرًا حِينَ أَحْنَثُ الْقَسَمَ  
أقسمت مرةً بِيَأْيٍ مش هاسِعِف بشر بتخون  
وَتَبانِ فِ كلِّ مكانِ بِلُونِ  
ولكنِّي ساذج طيبي حنَّت من جديد تشفع لهم  
وخلعت كتفي عمَلتُه 100 عُكَّازِ  
إزاي ما هزّش جسمي قلبي  
فَ وقت نزع الكتف من بين الضلوع  
علشان اكون العون لناس اصحاب مصالح كلهم  
إزاي اضحّي لهم بنفسي وكل شيء  
وأما المرّض ينهش ضلوعي يولّوا عني  
وقت أما تعبوا مَصّوا دمّي

وانا لما كنت باموت قصادهم ما أدونيش من دمهم  
إزاي مافكرتش في بكرة ومين هاشد الأزر بيه  
كان لازم أحلف إنني مش هاحتاج لشيء  
ولا هابقي شايل حملهم طول الطريق  
انا حد واجب كان ينول في الطيبة أعلى من امتياز  
انا خونت عهدي مع القسم لجل أني أسند ضرهم  
دلوقتي محتاج أني اخونني لمرّة تانية عشان يردوا الدين  
إثنين عزاز  
لأ قول ثلاثة أو أربعة  
قول مية وأفتح كادر واسع  
والقُطُ صوّر على قد ما تزيد ابتسامتك  
وارسم البرواز  
وارسم دا أمر يفيد ما يأت من الوجع  
ولكنه ماضي هاتعمله!  
تلقى الحقيقة مجاز  
كان في زمان برواز  
هايكون كمان في الجاي زي ما كان

إِيَّاكَ تَرَكَّزَ فِي الْوَشُوشِ جُودَ الصُّورِ  
إِيَّاكَ تَرَكَّزَ فِي الْمَلَامِحِ  
كَلِّهِمْ عَلَى قَلْبِ جَارِحِ كَلِّهِمْ  
بِسِ الْحَدَّرِ  
عَلْشَانَ فِي وَقْتِ مَا هَايْخُونُوكِ  
زِيَّ أَمَّا خَانُوا مَا تَكْتَبِشِ  
الضَّرْبِ فِيكَ مِنْ غَيْرِ مَا تَعْرِفُ مِينَ ضَرْبِ  
غَيْرِ أَمَّا تَلْقَى الضَّرْبِ جَائِي فِي الْوَشِ  
أَتْنِينَ عَزَّازِ  
وَإِنَا كُنْتِ تَالَتْ وَسَطَهُمْ  
بِاسْنَدِ عَلَى الْجَانِبِينَ  
وَعَيْنِي مُوَجَّهَةً بِنَظَرَاتِ حَنِينِ  
عَلَى قَصْدِ حُبِّ بِيْتُولِدِ  
لَا دَا اتَّوَلَّدَ لِحِظَّتْهَا كَانَ فِي عَيْنِهَا شَبِّ  
فَتَخَيَّلِ أَنْتِ بِيَقْسَمُوا بِيَّ الطَّرِيقِ لِأَتْنِينَ فَقَطْ  
وَالضَّحْكَةَ مِنْهَا لَسَعِيهِمْ دِي نَهَايَةَ الطَّرِيقِينَ

وانا قلبي أعمى فكان طبيعي  
أما يُسيبوه في السكة لازم يتخبط  
صاحبي اللي كان هو السند  
أول ما شافني وقعت كمل واغتبط  
صاحبي اللي كان هو الوتد  
هو اللي بيها قد ارتبط  
ورجعت أسند ع الوجع  
وأخبط في ذكراهم  
فين اللي كنت زمان معاهم  
كان في هنا خطوات وضحك بيترسم  
شايف طشاش وعينيا أوسع م النهار  
شايف بواقي طريق وهو بيتقسم  
شايف خيال شايل ملامحي بختفي وينهار  
اللجنة ع الكوايس  
لو كنت ليها ضحية وبشكل أعتيادي  
كل دا ما عرفش ليه  
وبتوه ما بين ساخط وراضي

وباشد جبل الذكريات دبلان  
واما ارمي هلب لبكرة يترد لورا  
وازاي وانا في العمر دا  
الذكرى عندي مكانها فاضي  
لأول مرة مستقبل تكون خطواته للماضي



## سَفَرُ الْحَيَاةِ

مَا عَرَفْتُش لِيهِ  
بِأَصْغَرَ تَمَلِّي فِي عَيْنِي وَأَكْتَبِنِي فِي وَدَاعِ  
وَبَارُصِّ مِنْ سَفَرِ الْحَيَاةِ  
مَشَاوِيرَ رُجُوعِ  
أَنَا حَدَّ قَاطِعِ مِ الزَّمَنِ  
مَسَافَاتِ كَثِيرِ  
وَحَاكِيَتِ طُمُوحِي لِدُنْيَا مَا لَهَا شِ فِي السَّمَاعِ  
فِي بَاقِيَتِ أُسِيرِ الْمُسْتَحِيلِ  
مُغْصُوبِ خُضُوعِ  
وَبَاقِيَتِ أُسِيرِ دَائِمًا فِي عَكْسِ الْإِتِّجَاهِ  
وَالْقَى الْمَصِيرِ  
فِي السِّكَّةِ بُشْرَى لِلدُّمُوعِ

وأفْتَحَ دفاتر  
عن ماضيِّ المُنْحَني  
قُدَّامَ مَشائِقِ  
واحدة زوم  
من بُكرةِ وآلاتِ البعيد  
إذ فجأةً يوم  
ياخذ براءة من اللي فات  
ويقولي انا جايلك بِ عيد  
طب عيد كمان الحزن عيد  
(في ظَهيرةِ أوَّل حدِّ فِ شهرِ أثنين)

2005

رَسِمَتِ كفوف الروح خيالها على الحيطان  
ثمَّ أَرْتَقَتْ وما عادش يَلْزَمُها المكان  
وأنا والسراير لِسَّه حدِّ الآن بنتمى الرجوع  
لأ السراير لَمَلِمَتها وُدان كثير  
وأما اسْتَعَثَّت لَقِيَتْ يا عالم  
صوتي مش مسموع

أُسبوع بحاله يُزُق يوم الحَدِّ زَق  
والحد واقف لسه مش قادر يغيب  
والله عيب  
إثنين  
وتلات  
وأربع  
وخميس  
والجمعة  
وُسبت  
باحضن مَخَدات الأسي  
وأطلق سِهَام الهَمِّ فِي المِلايات  
فأصَبْتُ دَهر حزين  
ضعيف وماهَمَّهوش  
قام رَدِّ فِي كسر لي ضَهر الباقيات من ضحكتي  
ونزَف شهوره بَحَدِّ فِي المِرايات  
خلاني اشوفني مرة واحدة كل عام  
بتساوي عام

مافيهوش صَوْر  
غير لوحه باهته مَن الزمن  
عَمِيَتْ عينا ورغم ذلك  
لسه برضه باشوفها زي ما كات جديدة  
مين اللي قال الذكريات  
بتجيب لنا في حاجات سعيدة  
بيلف الكون ويبرجع تاني لُنفس مكان ما بدأ  
وفد نور الشمس المُعتاد يوميا  
بلمح ضلمة بتسكن شعري برغم الشيب  
إذ فجأة فدَ وَقت الأيام خليتي غريب  
شدّيت واحد منهم بالراحة  
وَشَوْشْتُهُ عن ذكرى الوفاة  
خليك حَنِينٍ وَأنت جَائِي مع الضُّحَى  
عَدَى وَكَانِّي ما قولتلوش وَلَا أَيَّ شِيءٍ  
والليلة بعدُه غميقة مش متوضّحة  
واتبَدَل اسبوعي بحاله ليوم الحد  
فجأة وُمن غير علامات

قام م القبر خميس حيران  
كان شهر اتنين زي العادة  
(بعد الفراق 'بخمس سنين)  
لَف على رقبتى كما التعبان  
ويشد زيادة  
وفد نفس الوقت بيضحكلى  
لَمَّا لَمَحْت عَيْنِيهَا بتريدني  
إِن كَانَ يَا شَوْقٍ عِنْدَكَ مَزِيدٌ مِنْ حَسْنِهَا زِيدَنِي  
زادني النقيض  
وانا كنت فاهم إن هذا الشوق بيكثر أو يفيض  
ذاك الخميس  
كَانَ أَعْمَى جَدًّا لَمَّا هَلَّ  
ولقيتني عادي  
بس قولت أزاى كدا؟  
دا مجردِ أَسْتَفْهَامِ!  
(هافرح في يوم)  
والمُبْتَدَأُ فِي الْجُمْلَةِ هَلْ

واتفاجئ إن الكون دا بيجابوب بِرِ بِل  
بل ستجوب بِحاراً وبِحاراً  
وتفيض دُموعك أنهاراً  
وها ترجع تاني تلف اّمّا تلاقي نهاية سَعِيكَ مَرَسِي  
مش اتلحق ترسي  
العالم بقي كتلة قسوة  
مش راحم لا ذكور ولا نسوة  
بنشيل من على بعض الكسوة  
وينكشف ضعف بِيقتلنا  
إتهدلنا  
بنروح للشر بُخُطِي أتباع  
نرجع بالشر من الشر كمتَّبِعِين  
العالم إمتي هايتباع  
الناس بقوا زي الموج فِ القسوة  
مش نافع قدامهم ولا شِرَاع  
وانا لسه بادور على قصدي وبسأل ليه  
باصغر تملي فِ عيني واكتبني فِ وداع

## أول طريق الخيانة

لأول مرة هاكتب

عن هواك وُقهُوتي وُقعدة فِ آخر الليل  
وصوتك لَمَّا احسَّه فِ صورة ليك مُعَايا عَ الميموري  
واقولك والله وُحشاني

وما تُرْدِيش

فاقول تاني

وما تُرْدِيش

واقول تاني

فابفهم من سكوتك إنِّي مش من حقي اكْمَل بيك دنيايا  
كفاية أنِّي فِ بَعادِك بس قادر أعيش  
كتبت فِ قُرْبِك الأحلام

وقولت فذُبْعِدِكَ المَواوِيلِ  
فارَقنا فذُ بَعْضِ . مَرِتاحِ لَكِنِّي عَليْلِ  
واشِوْفِكَ تاني فِ الصُورَةِ  
وعَينِكَ فِجاءَ تَلْمِحي فَا تَدْمَعِ عَينِي مِ الفُرْقَةِ  
واقول فارَقَةَ

عَينِكَ بَتَبَقِيَ شايِفا نِي 'وَحَسَّانِي  
غَبي جِدا

ما كَنَتَش عارِفِ اَنَّكَ باصَّةَ لِلكامِيرا  
واِنَّكَ وِقتِ ضَحْكَه زَيفِ ضَحْكَتِلي  
ضَحِكتِ عِشانِ تَنوِلي البِسمَةَ فِ الصُورَةِ  
سَنَةِ بِحالِها وُبِحايلِ فِيكِ لَ تَحِني  
انا دِلوَقَتِ لو هارَجِعِ

ها عِيشِ ازا ي وروحي بُجِدِ مَكسُورَةِ  
ما جَرَّبَتِش كَسورِ الرُوحِ  
لا يَنفَعِ لِيها تَتَلَمَّ بِخِيطانِ ولا شاشِ  
وكِيفِ اَبدا حِياهِ بَعَدِكَ  
واقول اَنَّ الِلي عِشْتَه مَعاكِ عُمَرِ ما جاشِ

هانرجع بس لحظة لذكرى كات بيئاً  
دا لو فاكرة  
فـ تلك الصورة كنت مُعاكِ فـ الأزهر  
وصوت المأذنة يُنادي على الماشيين  
فـ وقت مُخالِف الصلوات  
سكوت فـ الشارع الخلفي  
وصوت الهورن بيُشاور على قلوبنا  
وصمّت عيون بتلقّت على منظرنا قدامهم  
وإيد الحب ممدودة بحاجات وحاجات  
علينا الكل فوج جاينين  
يشوفوا الحب شكله ازاي وهو بيعلى وبيكبر  
وانا فـ إيدك بَخَطَط جآي  
وادوس ع الحزن لو حاول فـ يوم يظهر  
انا مضطر أكتب لك ومش مضطر  
بإني كنت بك أستاذ باعلم ناس إي معنى الحب  
باقيت منظر وبأظهر عادي بالفرحة  
وانا فـ الأصل مش بانعس من التفكير

صُحَابِ وَالْقَهْوَةِ وَالتَّحْرِيرِ  
وَلَفَّةِ شَارِعِ الْمَوْسِكِيِّ  
وَرِيحَتِكَ دِي اللَّيِّ تَشْبَهُ رَشْفَةِ الْوَيْسِكِيِّ  
وَشَامْبَلْيُونِ وَأَنَا مُعَدِّي فِ سِتَائِرِ عَتْمَةِ مَا بُتْمَشِيشِ  
سَهْرٍ لِلصَّبْحِ يَوْمِيَا بَدَارِي الْهَمِّ فِي اللَّمَّةِ  
وَأَشُوفُ نَفْسِي فِي أَغَانِي السَّتِ  
( عَارِفُ أُنْبَلَهُ مَعْنَى الْحُبِّ إِلَيْهِ )  
لَكِنِّي بَجِدُ مَا عَرَفْتِشْ وَحَبِيَّتِكَ  
وَهَاسَأَلُ لِيهِ  
وَشُوفَتِكَ حُورٍ بَتْمَشِي فِي دُرُوبِ النَّاسِ  
وَشِيلْتِ فِي أَيَدِي مَشُورَاكِ  
وَجِيَتْ لِكَ حَاضِنِ السِّكَّةِ  
بَلِيغِ حَمْدِي صَدَقَ جِدَا فِي أَلْحَانِهِ  
وَأَنَا اللَّيِّ كَدَبْتِ فِي الْإِحْسَاسِ  
أَخَذْتِ الْعَهْدَ مَا كَتَبْتِشِ عَنِ الْقَهْوَةِ  
وَلَا سِيرَتِكَ تَجِينِي فِي مَرَّةٍ بِالأَشْعَارِ  
وَشَدَّ الْحُزْنَ أَلْفَ سِتَارِ عَلَيَّ حُرُوفِي

فخاني العهد واستنزفني بالقسوة  
لا هي سهوة ولا مغصوب على سردك  
انا كنت في حياتي رضيع  
وأول مرة باصيت لك لقيتني كبرت  
ياريتني صغرت من تاني  
ولا اني المبح ايدين الفرقة هداني  
ليالي حزنتم قام جالي اللي اخزن منه هداني  
بأزق في يومي بالعافية ووقت النوم باعيط هم  
ولولا النوم بيغلبني  
هاعيش الجاي في الماضي واقوله سهرت  
انا اللي عشقت ألوانك  
نصبت قصادي أحلامك وليهم سرت  
وشدتني الحياه ع القهوة من تاني  
في وسط أصحابي واللمة  
لمحتك سيرة في لسانهم  
لقيتك كاس وداق الكل من خمرك وما سكرتوا  
وانا اللي بدون ما أدوق منك لقيتني سكرت

وابقي اسألهم عن حياتي بَعْدِ مَنْكَ  
عن كلامي وَعَن هزاري  
عن دموعي الجارية غصبا فِي العيون  
لو كُنْتَ قَادِرَةً تُخَبِّي حزنكَ فِي ابتسامة  
فانا صعب جدا إني اداري

## مش زِيَهُم

مش زِيَهُم

ولا حتى رَوْحِكِ تَشْبِهِ الوَصْفِ اللِّي لَفَّ عَلَى الحروفِ

انا لِيكِ هاحْتاجِ المعاجمِ كُلِّها

أو حتى أَجَدِّدُ فِي اللُّغَةِ

وياريتني بعد ما أَكُونُ فَرِيدِ بالمُفْرَدَاتِ

هاوُوصِفِ ملامِحِكِ دونِ خَجَلِ أو حتى خَوْفِ

إِنِّ كَقِبْلَةٍ وَفَرَضِ عَيْنِ

على كُلِّ قاصِدِ حُبِّ ييجي بِكَ يَطُوفِ

رَوْحِكِ

رَوْحِكِ خِلافِ التَّشْبِيهَاتِ

تَشْبِهِ غُرُوبِ لِسُبُونَةِ أو إِكْلِيلِ وِرُودِ

مَفْرُوش حِيَاه بِالضَّحْكَ شَانزَلِيْزِيَه  
وَبَرَاَجْ بَتَضْحَكْ لُو عَيْنِيْكَ تُبْصَ لِيهَا فْ بَانَجْ بَانَجْ  
الْبَحْر لْ اَعْظَمْ خَطُوْتِكَ بْتَهْزِ فِيَه  
لُو بَسْ عَقْلِكَ زَاوَه مَرَّة فْ نَوْم خَفِيْف  
طَبْ هَلْ هَايْفُضَلْ لُو مَنَاْمِكْ نَوْم عَمِيْق؟  
أَوْ حَتِي رُوْحَتِ فْ يَوْمْ هِنَاكْ زُوْرْتِيَه!  
أَنَا عَاوَزْ أَقُوْلْ أَوْ حَتِي أَبُوْحْ لُو تَسْمَحِي  
أَفْضَحْ سُكَاْتِي وَافُكَّ كَلْ الْأَرْبَطَةَ مِنْ فَوْقْ لِسَانِ  
الْمَعْجَزَاتِ

شُوْفَتِ الْكَلَامِ اَزَايْ بِيَهْرَبْ مِنْ لِسَانِي وَوَيْتَكْتَبْ  
أَلْفَاظْ كَثِيْرَةٌ وَهُوَ هُوَ الْمَعْنَى وَاحِدٌ فِي الْقَصِيْدِ  
أَنَا بَرُضَه عَاوَزْ أَجْرَ لِيكَ الْأُمْنِيَاتِ  
وَأَرْمِي الْعَصَا تَلَقَّفْ دَمُوْعَكَ مِ الطَّرِيْقِ  
وَالسَّبْتِ عِيْدِ

وَاللَّيْنِ فِيْ إِيْدِكَ شَكَّلِيْنِي بِرِقَّتِكَ  
زِيْ أَمَا لَأَنْ فْ أَيْدِيْنِ دَاوُوْدِ كَلِ الْحَدِيْدِ

وأمانة وقت ما تضحكي  
ل تُحدِّدِلي مكان مُعَيِّنَ طَلِّ فيه نور ضِحْكِكَ  
انا أصلي فاشل في اللغات  
ماهو يعني نورك لو دَخَلَ مَدْرِيْد  
أو طاف بيوت بودابست شمس  
فأنا هاوُصِفَ ايه  
وانا حتى أصلا لَهْجَتِي ساحب كلامها من الوَريد  
وما وَّفَاكِيش  
ماتعيطيش  
انا عارف أن كلامي لَمْ يَبْلُغْ مَقامَ النَّظرةِ فيكَ  
ولكنِّي شايل فوق كتافي الشوق كلام زي العبيد  
وبِمَد  
لأُدا انا ليك جاي مُهْرَوْلًا  
باخلم بلمس أيديك دي اللي ما تختلفش عن الورد  
ياللي انت أكبر م الوجود  
وسط البشر

مظلومة حتى ان كنتِ يومِ زي القمر  
إنتِ القمر  
ولا يكفي إنك تشبيهه  
وانت الكواكب والنجوم وانت السهر  
وانت التضرع للإله ساعة السحر  
وانت السُّبُل في الأرض دي  
وانت المراد آخر السُّبُل  
وأنا روجي سألكاهم عمى  
وهاشوف مُجَرَّد ما الْمِسْك  
إحساسي مش ممكن يخيب  
أنا ليل نهار بادعي الإله يجمعني بيك  
وأدي النهار دا أُجيب دعايا وَقَرِّبِك  
وأنا من زمان نفسي أسألك لِمَا أَمْلِكُك  
بالله عليك أنا نفسي أَسْطَرَّ بِسْمَتِك  
وتلمي عاجز  
فازاي قوليلي بُشعري أقدر أوصفك

## بنر قص لجل يحلى العرض

### مفتح

الليل

ما جاش من نفسه واختار السواد والويل

الويل

ماهوش موقوف على عتمة سواد الليل

في ياما دموع فرشها الصبح للمغرب

وياما أفراح طلاها الليل على نجومه

فنزلت م السما الأكاليل

## النص

أنا وانتِ نشاز الجرح  
وسيل نازل على أرض البوار بالطرح  
وحزن عليل  
بيضعف لما تبسمي  
يا أجمل بنت من حوا ملامحك طابعة شكل الحور  
دافنشي ان كان نوى رَسْمك فهو اتلحد وماقدرشي  
لإِنَّكَ صعب ترسمي  
أنا وانتِ  
كقلب أخضر بيتنفس ربيع الشمس  
وورد مزين العالم بألوانه  
مابيهموش مناخ أو طقس  
لا عمره يموت بسيف القطف  
ولا يبيزهق بكثر اللمس  
باحبك

بس مالها بديل ولا بتوصل حكاوي القلب غير بيها  
فلو ترضي تكوني الجنة في عنيا  
هاكون لك نيل  
ونهرب منا لينا  
في وقت خريفك القاتل هاكون باجري وباحميك  
ووقت ما تغلبك دمعة  
هتنزل في ما اتأثرش  
مافيش للحزن بينا مكان  
مافيش في القلب ركن اسود وما اتغيرش  
أقولك حاجة بالبلدي  
مافيش مناديل  
شوارع بلدي في الليل  
بترقص وقت ما تشوفي  
أدوس الخطوة والثانية  
تميل على خدي وتبوسني  
وتشرح صدري بالعنبر  
وتدنو مني أشجارها

تغرد لي عصافيرها  
وانا وروحك سوا ماشيين ندندن عَ الرِبابَة غُنائي  
وعزف النايّ بيعكس حزنه بالترتيل  
صَهيل الخيل بيتشكّل على النغمات  
كأن ظهورنا في الشارع كآية وليها 100 تأويل  
ولو يجمعنا كل تاريخ هتبقى لوحدك الكلمات  
وبالتشكيل

يا فيلم قديم وفيلم هيتدي لسه  
ولكن صدق مش تمثيل  
يا كل سطور حنين وغرام في أي زاوية أو قصة  
حزاني الكون وعشاقه يسبوا الليل  
وانا لوحدني باحب الدنيا دي تليل  
شوارع بلدتي في الليل  
تغير باقي البلاد حتما  
تجهز جيشها بالأساطيل  
وتبدأ شنّ كله صريخ  
وانا وانت سلاح الردع للصواريخ  
تفوت الدانة ما تصيبنا

تزيد الغيرة والحيرة  
يحسوا ساعتها بالتدليل  
يُشير جندي على القائد نُفُض السيرة ونُوْلِي  
يرد بُغْل مش راجع وانا مسيرة لاحقانا  
آلات الحرب قد عَبَرَت حدود الأرض  
شعارهم هدم أحلامنا  
دُخانهم ساد سماواتنا  
وانا وانتِ بنرقص لجل يحلَى العَرَض  
وعرض الحب دا تنزيل  
بوحى الشوق  
وكان ناقص يُدَوِّن لينا فِ الأسفار  
ويتعنون على الأناجيل  
مُباح الرقص وياكِ لِإِنَّ ما بينا في إشهار  
نُهينا العَرَض والضرب المُضاد لسه  
وزاد الضرب فوقفنا نصلي الفرض والسُّنة  
خَذَلنا الرقص مش ممكن هيخذلنا الخضوع للرَّب  
يادوبك سجدة والثانية فلمَّ عُدونا جيشه  
وأطلقنا اللسان تَهليل

أثملني ذاك الخيال الذي يشبهها  
حين رأيته مبعثر على قطع القماش المنثورة  
على أرصفة المدن  
لم أتمالك نفسي وقتها  
فوجدتني أعزفها على أوتار أحزاني  
بالوان فرشتها على خيام الشوق في إطار مُبروز  
يشدني إلى خيانة نفسي, نظرت لبرهة إليها في ذاك البرواز  
ثم نسجت من قلبي ذاك الشعر الذي لا يُقرأ  
فوجدتني أبعثرها على أبواب العواصم الأوروبية  
وكأنني أتراقص معها إلى أن فوجئت بأني أستيقظ  
من منامي وأسطر ما يلي

سِنْتِيَا جُو

مُفْتَح

قال في يوم  
إن كنت ناوي تخلي أحزانك سراب  
لو حتى فيك الجرح واصل ألف يوم  
إلمس عيون صاحبك وطبطب ع الوجع  
أو عيش يومين في مدينة الفيوم

## النص

متعشمين في يومين جداد  
أصل اللي فاتوا ما كفوناش  
الدمع نازل ع الخدود فيضان  
بصلنا يوم من زاوية ما فهمناش  
ويومين قعدناهم هنا  
الساعة دي بتزقهم  
وكاني طفل باشدهم م الجلابية واقولهم  
خليكوا حبة انا عشت أحلامي البريئة ف وقتكم  
فلاح وداخل ع الفرح حشاش  
من كوم في جرجس للفؤاد على سنتياجو  
وكان جرجس يومها ما أستناش  
وغمزي وحدي وقالي جاي تاني  
وبعلو صوته عشان بيان منصف  
كشلي وشه وقالي قوم أرحل بقي

لِمَ الهدوم وأرمي الهموم وأنسى الفرح وانساني  
ما تاخذش حاجة تُفكرك  
فمُشيت مصاحب نفسي في السِّكة ويقول  
الكل ليه مستخسرك  
تفرح يومين جوة الغيطان  
نزلت دموع الشعر ع الكراس  
فقالتي نفسي شوفت كيف الشعر جاي بيقدرك  
إفرح بقي  
واكتب قصيدتك من هناك عن سنّياجو  
عن سنّياجو في وقت لما الكون نداله يُخطّ أركان السنن  
وب حُبهم جم قدّموله التضحية  
واما أترفع بوق المُكافئة يُنادي في الطايعين هلم  
كان المُخطط وقتها  
نزع العروق هو التمن  
أصبح كنهه يُجري من فوق الجبال  
واستسلمت روحه لأراضي التغريدات  
جم قسّموها لعصفورين

كان الألم في الوقتِ دا بيشدُ أشواق المَدنِ  
على سنتياجو بتتبني بالمُخلصين  
والليل حزين  
لأ مش حزين  
الليل هناك انا شوفته واقف عَ الرصيف  
عَمال بيرقص م السعادة  
أول ما شافني خادني بالأحضان وقال  
تلاعيني بِنج  
فضحكت حتى وقعت من ضحكي  
واصحابي ضحكوا وقالوا دي العادة  
العادة إنك تبسم أول ما تتنفس دخول البوابات  
أحضن رَحيق رُكن الحياة هتلاقي حَبات الندى  
بتنسي قلبك عمر فات  
مافيهاش وِجع  
مافيهاش زعل  
مافيهاش حنين للذكريات  
هنا ويكأنك لسه طفل

أَوْ يَعْنِي وَاحِدَهُمُ مَاتَ  
وَقِيَامَتَهُ كَانَتْ فِي النَّهَارِ  
سَاعَةً مَا شَقِشَقَ بِالرَّحِيلِ  
مَنْ جَرَجَسَ الْمَذْكُورَ هُنَاكَ  
كَانَ السَّفَرُ مَا لَهَوْشَ بِدِيلِ  
رُكْنِي الْبَعِيدِ فِي الْأَوْضَاعِ كَانَ صَعْبَانَ عَلَيْهِ  
سَاعَةً مَا لَمَّيْتُ الشُّنْطَ  
بَصَيْتَ عَلَى الْبَابِ الَّذِي  
أَوَّلَ مَا أَخْطَيْتُ مَنْ عَلَيْهِ هَيْشِدَ قَلْبِي وَأَبْقَى بَرَّةَ عَلِيلِ  
وَمَشَيْتَ بَادُوسَ عَلَى أَرْضِ جَرَجَسَ بَابْتِسَامَةَ  
عِشَانَ وَعَدَنِي بِإِنِّي جَائِي  
أَوَّلَ مَا عَدَّيْتُ الْحُدُودَ أَتَيْتُ إِنَّهُ كَانَ حَائِلِنِي بِكَلِمَتَيْنِ  
وَفِي نَفْسِ هَذَا الْوَقْتِ بَيَدَنْدَنَ غُنَائِي  
مَا عَرَفَشَ هَلْ كَانَ حَبْنِي  
وَلَا مَا صَدَّقَ إِنِّي هَامِشِي  
لَكِنْ حَقِيقِي أَنَا نَفْسِي أَعْرِفُ لَوْ نَوَيْتُ  
نَزَلَ زِيَارَةَ هَزْرُوهُ تَانِي إِزَائِي

وانا بيه عليل  
وانا منه برضه عليل  
عن سنتياجو والفؤاد وادي الملوك  
والشمس لما نشوفها طالعة فد كل ليل  
ونروح لجرجس ننسى إيه شكل النهار فوق السرير  
من جرجس المذکور هناك  
كان السفر مالهوش بديل

## الماريونيت

إكْتَبَ فِي شَعْرٍ وَبَعَثَهُ  
عَلَى كَوْمِ قُمَاشٍ مَرْمِيٍّ فِي مَكَانٍ هَجَرَهُ الْوَنَسُ  
لَوْ كَانَ فِي وَقْتِ الْفَجْرِ مَلْسُوعٍ مِ النَّدَى  
كَانَ يَبْقَى أَرْحَمَ  
لَوْ هَائِيْجِي عَامِلَ التَّنْضِيْفِ بِجَرْحِهِ عَلَيْهِ كَنَسُ  
وَأَحْذَرِ مِنَ الْمَارَيْنِ بِقَلْبِكَ يَطْعَنُوهُ  
جَرْحِ الْقَرِيبِ  
مَشَ سَهْلٍ خَالِصٍ يَتَلَمَسُ  
هَائِتَلَمَّ رَوْحَكَ فِقْرَةَ فِي الْعَرْضِ الْمُمِيتِ  
لَا هِيَ لَمَّتْ كُلَّ طَيْبَتِكَ مَارِيُونِيْتِ  
وَبَاقِيْتِ بَطَلْ

كومبارس مُسْتَبَدَل بَعَار  
وَضَعِيفَت عَنْ رَدْعِ الْحِصَارِ  
وَأَمَّا الْعَيُونُ اتَّوَجَّهَتْ عَلَى شَكْلِ قَلْبِكَ فِي الْعَرُوسِ  
مَا دَافِعَش حُبَّكَ فِي الْكَالُوسِ  
وَعَجَزَتْ تَأْخُذُ أَي تَارِ  
صَقَّفَ لِنَفْسِكَ وَقْتُ هُمْ مَا يَبْهَرُوهَا بَرْدَ فِعْلٍ نِفَاقٍ لَعِينِ  
ادْعِي لِدِرَاعِكَ بِالسِّنْدِ  
وَأَقْطَعِ لِسَانَهُمْ لَوْ لَقِيْتَهُ نَطَقَ آمِينَ  
الذَّنْبُ مَشْ ذَنْبِكَ أَكِيدُ  
بِسِ الْعَنِيدِ فِي الْقِصَّةِ السَّنَةِ الْحَشُودِ  
كَانَ فَرَضٌ تُبْتَرُ وَالْأَيْدِي قَبْلَ مَا يُخْشَوُا الْمَكَانَ  
وَتَقِيمُ فِي لَيْلَةٍ حَزَنُهُمْ أَفْرَاحٍ وَعِيدِ  
كَنَسَ الْكَلَامَ فَجَرِيَّةَ جَرَحِ  
غَلْبَانَ وَطَاحَ بَكَ دُونَ قَصِيدِ  
وَأَهُوَ كَلْنَا مِ الْمَجْرُوحِينَ  
مَاشِيِينَ فِي نَفْسِ الْإِتْجَاهِ  
رَاجِعِينَ كَمَا وَأَحْنَا الْعِدَا

لا خِيَمٌ هاتِنَفَعٌ لِلظَّلَالِ  
ولا شَمْسٌ هاتِهابُ الخِيَمِ  
قالَ يَعْنِي وَقْتِ الفَجْرِ شَمْسِ كَمَانٍ وَعَمْدَاغِ الرُّؤُوسِ  
فِي اللّحْظَةِ دِي  
لحْظَةُ تَضادِ الطَّقْسِ فِي الأرواحِ  
وَأَنَا إِيدِي بِتَسَكَّتِ جَمِيعِ الخَلْقِ كَيْ تَسْمَعِ  
وَسأَلْتِنِي  
عَنْ تَوْهَةِ العَقْلِ الَّذِي أَدَمَّنَ عَيْنِيها كِ  
طِيفِ وَعابِرِ كُلِّ عامِ  
كانتِ إِجابَتِي كَمَلَحَمَةٍ مُضْطَرِّ أَحْوَضِها بِالْكَلامِ  
لأَكُنُّ ضاعِ رِغْمِ الكَنِيسِ مَعْصُورِ بَقَطراتِ النَّدى  
فِي اللّحْظَةِ دِي السَّرْدِ أَبتَدِي  
وَأَلْقِصَةَ بِالمَقْلُوبِ  
كَيافِطَةَ عَلَيِ الطَّرِيقِ مَخْنِيَّةٍ مِنْ ضِغْطِ الهِوا  
مِنْ شافِها مَرَّةً وَلامَ عَلَيِ اللِّي صَنَعِها بِالغِشِّ وَغَدَزِ  
لأَ كُلِّ رَأْيٍ إِزاي كِدا بِتَبانِ ضَعِيفَةِ مِّنِ الهِوا  
حَتَّى الهِوَى

أَثْمَلُ إِيدِيَا عَنِ الْكِتَابَةِ وَسَاقِ دَلَالِهِ عَلَيَّ الْحُرُوفِ  
طَلَّعْتُ سَوَاقِ الْأَزْءِ بَرَّهُ الدِّيَوَانَ  
طَبِ مِينَ يَجْرُ فِ يَوْمِي تَانِي لِحَدِّ فَرْحِ مَا حَسَنِيشِ  
مَ أَنَا لَمَّا قَوْلْتِ بَاحِبِّهَا قَدَّ الْحُرُوبِ  
كَانَ قَصْدِي أَقُولُ مَا تُصَدِّقِيشِ  
لَوْ قَوْلْتِ حَاجَةَ أَنَا غَيْرِ كِدَا  
وَمَا تَبْعَدِيشِ عِلْشَانَ فِ قَرِيكِ شُوفْتِ إِيهِ هُوَ الْأَمَانَ  
فَبَاقِيْتِ أَنَا الْعَرِيَانَ وَبِنْدَهُ فِ الْفَضَا  
طَبِ هُوَ كَانَ الْفَقْرَ عِلَّةَ عِشَانَ تَبِيْعِ  
وَأَنَا وَالرَّبِيْعِ كِنَا أَبْتِسَامَةَ كُلِّ يَوْمِ عَلَيَّ وَشَّهَا  
وَمَا تَسْأَلُوشِ إِزَايِ رَبِيْعِ طُولِ السَّنَةِ  
وَجَمَالِهَا وَرَدِ  
حَبِيْتِ وَأَخْلَصْتِ الْعِرَامَ مَا لَقِيْتِشِ رَدِ  
شَهْرَتِنِي لَمَّا الْجَرِحَ فِي فِضْلِ يَهْدِ  
وَأَنَا كُنْتُ لِسِهِ بِخَطِّي فَوْقَ شَكْلِ الْحَيَاةِ بُصْلُصَالِ عَجِينِ  
وَعَمَلْتِ فِيهَا الْفِيْلَسُوفِ وَكَتَبْتِ شِعْرَ مَا يَتَقْرِيشِ  
وَمَا حَسْتِيشِ  
رَغْمِ أَنِّي جَبْتِ زَبَانِيَةَ يَشْدُوا الْفِرَاقِ

وَيَسِيبُوا أَشْوَاقَ وَأَشْتِيَاقَ نَبْضِ الْقُلُوبِ  
وَمَا هَمَّ كَيْشٌ  
جَمَعَتْ كُلَّ سِنِينِي جَنْبِكَ فِي الْخِيْطَانِ  
وَسَحَبَتْ رِجْلِي عَلَى الْمَلَأِ  
وَطَرَدْتِي كُلَّ بَرَاءَةٍ وَاقْفَةٍ عَلَى الْبَيَانِ  
وَبَكَيتُ مِنْ خُذْلَانٍ وَهَمٍّ مَا عِشْتِيهِوْشَ  
تَسْتَعْطِفِي الْجَمْعَ اللَّعُوبِ  
وَإِنَّا بَسٌ وَحَدِي الَّذِي أُنْسَجَنْتُ رَهِيْنَ لُغُوبِ  
وَمَا كُنْتُشْ أَعْرِفُ لَمَّا جِئْتُ لَكَ  
إِنِّي هَازِجٌ صِفْرٍ خَائِبٍ مِ الرَّدُودِ  
أَنَا كُنْتُ فَكَرْتُ شَوْقِي لِيكَ هَائِبِي حَاجِزَ النَّيْرَانِ  
لَكِنْ خِيْطَانِ الْعَمْرِ جَنْبِكَ مِ أُرْتَخِشْ  
أَعْتَابَ كَثِيرَةٍ بِتَخْتَلِفُ بِفُلَانٍ فُلَانِ  
وَإِنَّا وَالْجِرَاحِ اثْنَيْنِ صُحَابِ  
قَاعِدِيْنَ عَلَى خِيْوِطِ النَّهَارِ جَنْبِ الْقَمْرِ  
وَلَا رَاضِيَةً حَتَّى تُمَرَّ شَمْسٌ عَلَى الْجِرَاحِ وَتُجَفِّهَا  
وَمَا فِيشْ بَقَايَا فِي نَاسِي غَيْرِ سَاعِي الْبَرِيدِ  
يُحَدِّفُ حَيَاتِي عَلَى الطَّرْقِ لِلنَّاسِ

وَيُشَدُّ فَرِحَةَ عَمْرِي عِنْوَةَ يَدِ سَهَا  
وَيُوصِّلُ الْمَرَاسِيلَ خَسَائِرَ كُلِّهَا  
وَإِنَّا قَلْبِي رَافِضٌ بَعْدَهَا أَوْ بَعْدَهَا رَافِضٌ يَمِيلُ  
أَفْرَطِي عَمْرِي وَسَابِنِي كَهْلٍ بِأَشْبِّ فِي الْعَشْرِينَ  
أَنَا الْمَعْكُوسُ  
أَنَا كُلُّ شَيْءٍ فِي الْأَلَّا يَجُوزُ  
وَأَجَازُ كَثِيرَ عَلَّشَانَ يَعْذِي الْخَطُوتَيْنِ  
أَنَا كُنْتُ بِأَعَشَقُ خَطُوتِكَ لَوْ بَسَ دَاسِتُ فِي التَّرَابِ  
وَسَهَّرْتُ أَخُونَ عَهْدِي اللَّيِّ كُنْتُ عَلَيْهِ قَسَمْتُ  
وَيَارَيْتَنِي كُنْتُ بِأَحَبَّ زِيَّ السَّهْرَانِينَ  
بِالْعَكْسِ جَاتَنِي الْمُهْلِكَاتُ  
تَجَاعَيْدُ دَارَيْتَهَا عَنْ عَيُونَ كُلِّ الْحَضُورِ  
أَلْوَانُ كَثِيرَةٌ تَبْتَعُ الْفَرِحَةَ لِقُلُوبِهِمْ  
وَإِنَّا كُلُّ عُضْوٍ فِي جَسْمِي لِيهِ مَكْسُورٌ  
إِيْدِي اللَّيِّ مَدَّتْ حَلْمَ لِيكَ زَمَانَ  
بِسَهْوَةٍ لِيهِ بِتَشْدِيدِي فِيهَا عَلَى النَّيْرَانِ  
بَقِيَ لِحُلِّ مَا تُدَارِي الْحَقِيقَةَ تُمَثِّلُنِي عُرُوسٌ ضَعِيفٌ  
وَتُدَارِي وَشَكِّ مِ الْكُسُوفِ خَلْفَ السِّتَارِ

كان فيها ايه لو تظهري وَأَهِي نار بنار  
بس الحقيقة المؤلمة  
صعب احتضان البرد صيف  
واشمعنا وحدي اللي اتظلم  
وَأَلْقَى الجحيم يصبح لي بيت  
ساذج أوي خَطَّيت لقلبك بِالْعَمَى  
وياريتني ما خَطَّيت  
ياللي انتوا ناويين عَ الفراق ما تقربوش  
ياللي انتوا ناويين عَ الغرام ما بتفهموش  
خدوا مني عبرة عشان نهاية حُبكم  
تفضل بنفس الشكل زي امَّا ابُتدت  
وتعلَّقوها على الودان  
وما فيش ما بينكم حد يبجي يقول نسيت  
وكفاية واحد منكم  
قَدَّام عيونكوا بُيْتِحْرِق والخيط بيسحب دُنَيْتِه  
ويبْهَوِي بيها فَبِير غويط  
والذُّكْرَى لِحَقْتِ صوره لِيه  
وسابتها بينكم ماريونيت

كان فرض سواق الأزه يتجرّ تاني على الديوان  
كان مين هيسحب رجلي غيره لكل أجواء المُعز

## سواق الأَزء

فِي شَارِعِ الْإِزْهَرِ حِكَاوِي  
قَدْ تَكُونُ مِتَّصَنَّفَهُ عَلَي ضَهْرِ سَوَاقِ الْإِزْءِ  
طَاقِمِينَ كَاسَاتٍ بِيَجْرُ فِيهِمْ حَتَّى آخِرِ مُفْتَرَقِ  
فَتَبْصُ بِنْتِ بِلَهْفِهِ عَالِكِرَاتِينَ  
أَكَلِ الزَّمَنِ مِنْ ضَهْرِهَا وَانْتَيْمَتْ  
وَالْأَبَّ عَايشِ بَسِ إِيدِهِ بَتَّنْفَرِدِ  
لِجْلِ الرِّضَا مِنْ تَحْتِ أَحْدِيَّةِ الْمَلَأِ  
كَانَ نَابِهَا أَيَهُ غَيْرِ بَسِ دَبْلَةَ مِبْشَرَاهَا بِالْجَوَازِ  
وَالْإِيدِ قَصِيرَةَ وَصَعْبِ تَقْدَرِ عَالِجِهَازِ  
فَتَهْدَى مِنْ فَيْضِ الْأَمْلِ عَلَي خَدَّهَا بِالْدمَعَتِينَ  
يَلْمَحُهَا سَوَاقِ الْإِزْءِ عِنْدَ الْمَخَازِنِ  
جَايَا بِتَمَدِّ بِخَطَاوِي الْمَسْأَلَةِ

فيبص ليها بعين مكرمشها الوجع  
أنا كان بوّدى يا بنتى لكن  
إيدى أقصر من ايديك  
وكل من يشبه لنا فى الحياه متبهدين  
يطلع بديل ويجرّ تانى فى الكاسات  
ومعّبى فيهم كام وجع من نهر دمع بيسكنه  
قاصد زبون الفرشة ابو ايد سخية ومفرطة  
والمخرطة بتدوس هناك على كل أحلام البنات  
مين علمه أو فهّمه إن الكاسات حمل الوجع  
وما عرفوش  
إنّ الجدع لو كان صبر كان نال عظيم الأمنيات  
لكن جزع  
فى شارع الأزهر حكاوى  
بتندهس جوة الحوارى و تختفى فى الليل  
من عند مفترق الغورية والمُعز  
بتبدأ الحكايات تبان  
تدخل شمال فتلاقى شارع من ذهب

أخره غُنا ومواويل  
ووعود كثيرة بالأمان  
جوة المعز تلاقى سواق الأزاء  
شايل صاجات الهَز  
أو حتى الوشاح الهندي والطربوش  
شايل حاجات بتكفَى بهجة لكل عاشق وقتها  
كان الفرح رسم الوشوش  
لكن فقط للزائرين  
مارّين طريق وانا مِنْهُمْ  
نضحك على بنت الغلابة وهيّ بتشدّ الوشاح  
واهو كل رُواد المُعز بيبقى فيهم كوم جراح  
وبيتنسى والفضل كله  
لِ ضَهر سواق الأزاء  
ويجر يومنا بابتسامته لحد آخر ضحكتين بالليل  
يا من قصدت السرمحة وقت الملاهي قد انتهى  
قوم يلا رُوح زورنا تانى ف أيّ يوم  
زادت هموم عدد الساعات

شَدَّتْ عَقَارِبَ نَفْسِهَا بِتَلْمِهِمْ  
وَيَشَاوِرُوا جَمْعًا لِلرَّحِيلِ  
تَلْقَى اِزْدِحَامَ عِنْدَ الْبَيْبَانِ وَبِتَبْدَأِ النِّهَايَاتِ  
كُلَّ الْحِكَاوَى بِتَنْسَحِبِ دَلُوقِ  
تَخْلُو الشُّوَارِعَ وَالْحَوَارِيَّ مِنَ الْبَشَرِ  
وَيَظَلُّ هُوَ عَلَى الرَّصِيفِ  
مَا يَهْمُوشِ الْوَقْتِ  
يُشْعَلُ سِيَجَارَتَهُ وَيَسْتَرِيحُ  
إِثْرَ التَّعَبِ  
إِنْسَانَ جَرِيحٍ  
لَقَّتْ عَلَيْهِ الْمَشْنَقَةَ عُلْشَانَ ضَعِيفٍ  
لَمَا ارْتَضَى زَادَتْ عَلَيْهِ الشَّدَّ  
أَصْبَحَ شَيْءٌ نَحِيفٍ  
وَالْعَمْرَ وَآكَلَهُ حَرَامٍ  
وَهُوَ عَنِ أَكْلِ الْحَرَامِ دَائِمًا عَفِيفٍ  
كَانَ جَرًّا يَأْمَا الْفَرْحَةَ لِقُلُوبِ الْبَشَرِ  
كَانَ طَفِيًّا يَأْمَا نِيرَانَ بَتَحْرَقُ فِي الْقُلُوبِ الْمَحْرُومِينَ

واهو قلبه هو اللي أتحرق  
وتملّي كان هو الخبر  
في محو حزن المكسورين  
ولاً فـ سعادة قلبهم! كان هو برضه المبتدأ  
لو كنت مرة فرحت في الأزهر هناك  
او في المعز أو الحسين  
فالفضل كله يعود  
لسواق الأزهـ



# الكاتب في سطور

أحمد حمودة موسى (المصري)

مواليد القاهرة

شاعر عامية

يكتب شعر العامية من عام ٢٠٠٩

وامتنع عن الكتابة عام ٢٠١٢

وعاد مرة أخرى للكتابة في منتصف عام ٢٠١٦

له ديوان آخر جاهز للطباعة

وديوان الماريونيت هو أول عمل يُنشر له



## فهرس

٣	الإهداء
٧	خمر المّمات
١٥	كوم قماش
٢١	المُنحدر
٢٥	مَعزوفة الأمل الأخير
٣١	البلياتشو
٤١	شارع الخيامية
٤٧	برواز قديم
٥١	طرف رابع
٥٧	سفر الحياة
٦٣	أول طريق الخيانة
٦٩	مش زيهم
٧٣	بنرقص لجل يحلى العرض
٧٩	سنتياجو
٨٥	الماريونيت
٩٣	سواق الأرز
٩٩	الكاتب في سطور

